

Ақийда дарслари (232-дарс) Қайта тирилиш ва ҳашр



19:00 / 12.06.2023 1609

Мусулмон одам қиёмат куни дунёдан ўтган ҳамма одамлар ўз жасадларига қайта эга бўлиб, қайта тирилишига жазм билан эътиқод қилмоғи керак. Зинҳор ва зинҳор, одам ўлиб, жасади тупрокқа қоришиб, ўтда куйиб ёки ҳайвонларга ем бўлиб кетгандан кейин қандай қилиб тирилар экан, деган хаёлга бормаслиги лозим.

Аллоҳ таоло Ҳаж сурасида қуидагиларни айтади:

مِنْ خَلَقْتُكُمْ فَإِنَّا أَلْبَعْثِ مِنْ رَيْبٍ فِي كُنْتُمْ إِنَّ النَّاسُ يَتَأْيَهَا

وَغَيْرِ مُخْلَقَةٍ مُضَغَّةٍ مِنْ ثُمَّ عَلَقَةٌ مِنْ ثُمَّ نُطْفَةٌ مِنْ ثُمَّ تُرَابٌ

أَجَلٌ إِلَيْنَا نَشَاءُ مَا الْأَرْحَامُ فِي وَنُقْرُّ لَكُمْ لِنُبَيِّنَ مُخْلَقَةً

أَشَدَّ كُمْ لِتَبْلُغُوا ثُمَّ طِفَالًا نُخْرِجُكُمْ ثُمَّ مُسَمَّ

الْعُمُرٌ أَرْذَلٌ إِلَيْنَا يُرْدُّ مَنْ وَمِنْكُمْ يُؤْفَى مَنْ وَمِنْكُمْ

هَامِدَةً الْأَرْضَ وَتَرَى شَيْئًا عِلِّمَ بَعْدِ مِنْ يَعْلَمَ لِكَيْلًا

كُلٌّ مِنْ وَأَنْبَتَ وَرَبَّ آهَزَتِ الْمَاءَ عَلَيْهَا أَنْزَلْنَا فَإِذَا

٥ زَوْجٌ بَهِيجٌ

«Эй одамлар! Агар қайта тирилиш ҳақида шубҳа қиласидиган бўлсангиз, бас, сизга баён қилишимиз учун сизларни тупроқдан, сўнгра нутфадан, сўнгра алақадан, сўнгра битган-битмаган

музғадан яратдик. Ва бачадонларда хоҳлаган нарсамизни маълум муддатгача қарор топтиармиз. Кейин сизларни гўдак ҳолингизда чиқарармиз. Сўнгра вояга етишингиз учун (тарбия қилармиз). Сиздан вафот қилиб кетадиганлар ҳам, билганидан кейин ҳеч нарсани билмай қоладиган даражада noctor умрга етадиганлар ҳам бор. Ва ерни қақраган ҳолда кўрарсан. Қачонки унга сув туширсак, у сесканади ва кўпчийди ҳамда ҳар хил гўзал жуфтларни ўстиради» (5-оят).

Одамнинг табиати қизиқ, қайта тирилиш, савол-жавоб, ҳисоб-китоб, жазомукофот ҳақида гап кетса, ўйламай-нетмай, дарҳол шубҳа қилишга тушади. Бу ҳақиқатни атрофлича тафаккур этмасдан туриб, инкор этади.

Аммо холисона ўйлаб кўрса, бундай қилмаган бўлар эди. Ўзининг аслига бир қараб кўрса, қайта тирилиш ҳеч гап эмаслигини тушуниб етарди.

Бу оятда мазкур масала батафсил муолажа қилинмоқда. Аллоҳ субҳанаҳу ва таоло бандаларига хитоб қилиб:

«Эй одамлар! Агар қайта тирилиш ҳақида шубҳа қиладиган бўлсангиз», билиб қўйингки, **«сизларни тупроқдан»** яратдик, демоқда.

Сизнинг отангиз Одамни тупроқдан яратганмиз. Инсонни қуруқ тупроқдан яратган Зот ўлган одамни қайта тирилтира олмайдими?! Инсонни йўқдан бор қилган ва унга жон берган Зот бор инсонни қайта тирилтириб, ўзи олган жонни қайта кирита олмайдими?!

«...сўнгра нутфадан...» яратдик.

Инсон йўқ эди. У отасининг нутфа-спермасидан дунёга келди. Бу манийда минглаб ҳайвон уруғлари бўлади. Улардан фақат биттасигина онанинг тухумига урчиди. Бошқалари беҳуда йўқ бўлиб кетади. Оддий кўзга кўринмас ушбу маний ҳайвончалар билан баркамол инсон орасида қанча фарқ бор?! Ана шу заррадан одам яратган Холиқ Аллоҳ ўлган одамни қайта тирилтира олмайдими?!

«...сўнгра алақадан...»

Араб тилида «алақа» деб, аслида зулукка айтилади. Яқингача алақани «қотган лахта қон» деб айтиб келинган. Аммо илм ривожланиб, бачадондаги ҳомиланинг турли жараёнларини суратга олиш имкони туғилди. Шунда Куръони Каримда «алақа» деб номланган босқичдаги

Хомила зулукдек бачадонга ёпишиб туриши маълум бўлди. Алақанинг сурати ҳақиқий зулук билан солиштирилса, уларни фарқлаб бўлмайди.

Хўш, ўша зулукка ўхшаш қотган лахта қон билан инсон орасида қанча фарқ бор? Мазкур қонни бирор кишига кўрсатиб, «Келажакда мана шу сенга ўхшаган одам бўлади», деса, ким ишонади? Лекин Аллоҳ таоло шуни қилади. Ана ўша ишни қилиб, бир парча алақа қондан одам яратган Аллоҳ ўлган одамни қайта тирилтира олмайдими?!

«...сўнгра битган-битмаган музғадан...»

Хомила ривожланиб, алақа-зулук шаклидан бир парча чайналган гўшт ҳолига ўтади. Ана ўшандада унга шакл киради. Шакл кирса, битган бўлади. Шакл кирмаса, битмаган бўлади, бачадондан тушиб кетади. Ҳеч ким уни эсламайди ҳам. Энди, ўша бир парча чайналган гўштга ўхшаш нарса билан инсон орасида қанча фарқ борлигини бир ўйлаб кўрайлик. Ўша гўштдан инсон яратган Аллоҳ ўлган одамни қайта тирилтира олмайдими?!

(Давоми бор)

«Сунний ақийдалар» китоби асосида тайёрланди

Ушбу китоб Ўзбекистон Республикаси Вазирлар Маҳкамаси хузуридаги Дин ишлари бўйича қўмитанинг 2022 йил 22 июлдаги 03-07/5979-рақамли хulosаси асосида чоп этилган.